

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-122/21
Vareš, 29.06. 2021. godine

Z A P I S N I K
sa 5. sjednice Općinskog vijeća Vareš,
održane 31.05. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Emir Islamović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 5. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, rukovodilac JURA – gosp. Rusmir Berberović, šefica Odsjeka za računovodstvo i trezor – gosp. Stela Terzić, direktori javnih preduzeća JKP d.o.o Vareš – gosp. Zafer Kamenjaš, JP „Vareš-stan“ d.o.o. Vareš – gosp. Ivan Miletović, JP „Veterinarska stanica“ d.o.o. Vareš – gosp. Suljo Abadžija i predstavnici medija.

Sekretar OV Leon Pavlović izvijestio je Vijeće da je na 4. sjednici OV održanoj 29.04.2021. godine, Vijeće donijelo četiri (4) zaključaka. Dva (2) zaključka su realizovana a dva (2) zaključka su u toku realizacije. Postavljeno je sedam (7) vijećničkih pitanja. Na šest (6) pitanja nadležni su dostavili podnosiocima pisani odgovor, a na jedno (1) pitanje nije dostavljen odgovor.

Općinski načelnik pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

-Nurdin Begović – Na postavljeno pitanje „da li je u posljednje četiri godine urađena revizija poljoprivrednih poticaja dodijeljenih od strane Općine Vareš fizičkim ili pravnim licima?“, dobio je odgovor i smatra da je odgovor u principu „bacanje prašine u oči“. Izjavio je da će vjerovatno po tačkom Razno predložiti jedan adekvatan zaključak.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



-Dario Dodik – dobio je dopunu odgovora sa prethodne sjednice na pitanje „kada je posljednji put upućen dopis prema Ministarstvu za prostorno uređenje, promet i komunikacije i zaštitu okoline Ze-do kantona?“ Sugerirao da se općinske službe što češće obraćaju nadležnim ministarstvima sa zahtjevima za rješavanje određene problematike.

-Sahudina Beganović – Izjavila je da je prošli put uputila Inicijativu u pisanoj formi sekretaru OV. Inicijativa nije proslijeđena na Kolegij OV i nije stavljena na razmatranje. Inicijativa se odnosila na uređenje gradske jezgre i formiranju posebnog fonda za uređenje gradskog područja.

Predsjedavajuća OV izjavila je da će Služba izvršiti provjeru po navodima vijećnice i izvijestiti Vijeće o istom, te da će navedena Inicijativa biti predmet na sljedećoj sjednici Kolegija OV.

Igor Hinger – Podsjetio je na svoj zahtjev za uvrštavanje tačke u dnevni red 5. sjednice OV „Aktuelna problematika po pitanju smeća u Varešu“ i Inicijativu za nabavku kontejnera za papir. Dobio je informaciju da će se isto realizovati na 6. sjednici OV. Zanima ga da li mora ponovno dostaviti zahtjev ili može ranije dostavljeni.

Predsjedavajuća OV podsjetila je prisutne na Zaključak Kolegija u vezi Zahtjeva vijećnika Igora Hinger i izvijestila istog da ne mora ponovno dostavljati zahtjev.

(Vijećnička pitanja)

Salih Memić

1. Uslijed olujnog nevremena koje se desilo 28.05. 2021. godine došlo je do iznošenja posipnog materijala na lokalni put Dabravine-Luke na području Luku, MZ Dabravine.

Koristim svoje vijećničko pravo da postavim pitanje da li postoji mogućnost da se izvrši čišćenje posipnog materijala i da se pronađe rješenje za ovaj put koji svake godine uslijed obilnih padavina napravi problem pri čemu je otežano kretanje vozila navedenom dionicom. Stanovnici Gornjih Luku i oni koji se kreću makadamskim putem koji se uključuje na navedeni lokalni put znaju o čemu pričam. Zamolio bih vas da izađete u susret ovim mještanima i riješite im ovaj gorući problem.

Dario Dodik

2. Obraćam se Općinskom načelniku sa pitanjem vezanim za projekte koje je finansirala odnosno sufinansirala Vlada Republike Hrvatske.

Prvi dio se odnosi na izgradnju vodovoda za sela Pogar i Sjenokos te tražim informaciju zbog čega je došlo do zastoja u realizaciji ovog projekta i kada se očekuje njegov završetak?

Drugi dio vezan je za asfaltiranje dionica lokalnih puteva u selima Pogar, Zaruđe i Očevija i zanima me da li su od strane Vlade Republike Hrvatske uplaćena sredstva za ove dionice, ako jesu kada su i kom iznosu uplaćena za svaku pojedinu dionicu, te kada se planiraju asfaltirati ove dionice obzirom da se radi o strogo namjenskim sredstvima?

Nurdin Begović

3. Ko je trenutni-stvarni korisnik plastenika dodijeljen za obuku (edukaciju) djece koja pohađaju Osnovnu školu u Dabravinama? Gdje je sadni materijal i ko je isti iskoristio? Ukoliko je plastenik u funkciji, gdje se odlažu plodovi rada tj. dobiveni proizvodi? Ko će izmiriti obavezu iz ugovora a koji nalaže 100 kg proizvoda za pučku kuhinju?

Zdenko Franjić

4. Pitanje postavio Ministarstvu za prostorno uređenje, promet i zaštitu okoliša. Kada će se sanirati oštećenje na regionalnoj cesti R 444 nastalo uslijed elementarnih nepogoda prije 11 mjeseci na dionici ispred tunela?
5. Pitanje postavio Općinskom načelniku i nadležnoj službi. Kada planirate asfaltirati dionice lokalne ceste u MZ Strica-Zaruđe od društvenog doma kroz Zaruđe za koju je Vlada Republike Hrvatske obezbjedila sredstva i kada planirate sanirati oštećenja na asfaltu od tunela do društvenog doma.

Predsjedavajuća OV stavila je na raspravu Zapisnik sa 4. sjednice OV.

Vijećnica Sahudina Beganović u svom obraćanju upoznala je prisutne da je Klub SDA donio Zaključak u kome je navedeno da nisu zadovoljni konceptom i načinom na koji se formiraju zapisnici sa sjednica Vijeća i verzijama koje se dostavljaju i nude na usvajanje. Smatraju da je koncept zapisnika štur sa minimalnim podacima (nema podataka o iznesenim prijedlozima vijećnika ili klubova, imaju podaci ko je govorio ali nema šta je govorio). Klub vijećnika SDA zahtijeva da se svaki naredni zapisnik koncipira sa detaljima rasprave, pogotovo sa prijedlozima i stavovima vijećnika i klubova. O istom je dala pojašnjenje.

Sekretar OV izjavio je da se zapisnici sa sjednica Vijeća rade po Poslovniku o radu OV, član 88. – radi se o prijedlozima koji su dati na izjašnjavanje, a ostale primjedbe, sugestije i rasprave se ne evidentiraju, s tim da vi kao Klub ili pojedinac možete tražiti autorizaciju izlaganja na osnovu zabilješke i to će Služba OV uraditi.

Predsjedavajuća OV iznijela je kratku konstataciju u kojoj je izjavila da su zapisnici Zakonodavne vlasti viših nivoa vlasti otprilike koncepta kao naš zapisnik i da svaki vijećnik kada izađe za govornicu i daje određen prijedlog ili bilo šta drugo, ima pravo da kaže „tražim da ovo uđe u zapisnik“.

Predsjedavajuća OV stavila je na izjašnjavanje Zapisnik sa 4. sjednice OV i nakon izjašnjavanja vijećnika konstatuje da je **jednoglasno sa (16 glasova „ZA“)** (odsutni vijećnici Asmir Čizmo i Maja Berberović) **usvojen Zapisnik sa 4. sjednice OV.**

Predsjedavajuća OV stavila je na raspravu prijedlog dnevnog reda za 5. sjednicu OV koji je usaglašen na Kolegiju Općinskog vijeća.

Nije bilo učesnika u raspravi i predsjedavajuća OV stavila je na izjašnjavanje prijedlog dnevnog reda 5. sjednice OV i nakon izjašnjavanja vijećnika konstatuje da **je jednoglasno (sa 16 glasova „ZA“)** (odsutni vijećnici Asmir Ćizmo i Maja Berberović) **usvojen sljedeći**

Dnevni red

1. Prijedlog Odluke o prenosu poslova i zadataka JU „Centar za kulturu i edukaciju „ Vareš koji se odnose na upravljanje i praćenje stanja na lokalitetu „Srednjovjekovnog kraljevskog grada Bobovac“ kao kulturno-historijske i prirodne baštine Općine Vareš.
- Izvjestilac: Rusmir Berberović
2. Izvještaj/izviješće o izvršenju budžeta/proračuna Općine Vareš za period januar/siječanj – mart/ožujak 2021. godine.
- Izvjestilac: Općinski načelnik
3. Informacija o ostvarenim prihodima u 2020. godini po osnovu odluka Općinskog vijeća Vareš.
- Izvjestilac: Općinski načelnik
4. Izvještaj o radu Javnog komunalnog preduzeća d.o.o. Vareš za 2020. godinu.
- Izvjestilac: Direktor JKP d.o.o. Vareš
5. Izvještaj o radu i finansijskom poslovanju JP „Vareš-stan“ d.o.o. Vareš za 2020. godinu.
- Izvjestilac: Direktor JP „Vareš-stan“ d.o.o. Vareš
6. Izvještaj o radu i poslovanju JP „Veterinarska stanica“ Vareš za 2020. godinu.
- Izvjestilac: Direktor JP „Veterinarska stanica“ d.o.o. Vareš
7. Izvještaj o provođenju Strategije razvoja Općine Vareš za period 2017 – 2026. godine za 2020. godinu.
- Izvjestilac: Rusmir Berberović
8. Informacija o stanju u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi.
- Izvjestilac: Jadranka Radoš
9. Informacija o realizovanim projektima deminiranja kao i preostaloj sumnjivoj površini na području općine vareš za 2020. godinu.
- Izvjestilac: Ibrahim Spahić
10. Tekuća pitanja.

Ad. 1.

*(Prijedlog Odluke o prenosu poslova i zadataka
JU „Centar za kulturu i edukaciju“ Vareš
koji se odnose na upravljanje i praćenje stanja na lokalitetu
„Srednjovjekovnog kraljevskog grada Bobovac“
kao kulturno-historijske i prirodne baštine Općine Vareš.)*

Komisija za statutarna pitanja i propise na 3. sjednici održanoj 25.05.2021. godine jednoglasno je donijela sljedeći Zaključak.

- **Komisija nema primjedbi na Prijedlog Odluke o prenosu poslova i zadataka JU „Centar za kulturu i edukaciju“ Vareš koji se odnose na upravljanje i praćenje stanja na lokalitetu „Srednjovjekovnog kraljevskog grada Bobovac“ kao kulturno-historijske i prirodne baštine Općine Vareš, s tim da se u članu 6. brišu riječi „a objavit će se u Informativnom biltenu općine Vareš“ i Prijedlog Odluke upućuje se Vijeću na razmatranje i usvajanje.**

Otvorena je rasprava u kojoj su svoje primjedbe, prijedloge i mišljenja iznijeli vijećnici: Sahudina Beganović (*ispred Kluba SDA izjavila je da Klub neće glasati za Odluku jer ne sadrži ništa po Zaključku sa 2. sjednice –Klub SDA ostaje pri svojim prijedlozima sa 2. sjednice OV -i predložila je da se ne žuri sa usvajanjem Odluke dok se ne izradi Program za Bobovac i pripreme dvije odluke, jer općinski budžet ne dozvoljava ni najmanje izdvajanje u te svrhe. O istom je dala pojašnjenje.*), rukovodilac JURA Rusmir Berberović (*dao dodatno pojašnjenje i skrenuo pažnju na član 2. Prijedloga odluke u kome je navedena obaveza izrade Programa upravljanja sa prijedlogom neophodnih finansijskih sredstava na godišnjem nivou u obavljanju preuzetih poslova i zadataka na lokalitetu Srednjovjekovnog kraljevskog grada Bobovac*), Sahudina Beganović (replika), Nurdin Begović, Sahudina Beganović (replika), Mario Mirčić i Mirnes Ajanović.

Zaključena je rasprava i predsjedavajuća OV stavila je na izjašnjavanje Prijedlog Odluke o prenosu poslova i zadataka JU „Centar za kulturu i edukaciju“, Vareš koji se odnose na upravljanje i praćenje stanja na lokalitetu „Srednjovjekovnog kraljevskog grada Bobovac“ kao kulturno-historijske i prirodne baštine Općine Vareš.

Nakon izjašnjavanja vijećnika predsjedavajuća OV konstatuje da **je sa 12 glasova „ZA“ i 5 glasova „PROTIV“** (odsutan vijećnik Nedžad Mušanović) **usvojena**

***Odluka o prenosu poslova i zadataka
JU „Centar za kulturu i edukaciju“ Vareš
koji se odnose na upravljanje i praćenje stanja na lokalitetu
„Srednjovjekovnog kraljevskog grada Bobovac“
kao kulturno-historijske i prirodne baštine Općine Vareš.***

Ad. 2.

*(Izveštaj/izvješće o izvršenju budžeta/proračuna Općine Vareš
za period januar/siječanj-mart/ožujak 2021. godine.)*

Komisija za privredu, finansije i budžet na 2. sjednici održanoj 26.05.2021. godine sa 2 glasa „ZA i 1 glasom „PROTIV“ donijela je sljedeći Zaključak:

- **Komisija ne podržava Izveštaj/izvješće o izvršenju budžeta/proračuna Općine Vareš za period januar/siječanj – mart/ožujak 2021. godine.**

Komisija je **jednoglasno sa 3 glasa „ZA“** donijela sljedeće Preporuke:

- **Da se uskladi procedura utroška sredstava sa postojećim internim pravilnicima Općine Vareš o načinu i visini pojedinih izdataka iz općinskog budžeta. Postojeće dokumente i interne akte da nadležna služba i Općinski načelnik ažuriraju u skladu sa Zakonom.**
- **Da se u skladu sa namjenom određenih namjenskih sredstava, vodi tačna evidencija o utrošku sredstava i da Služba za privredu, finansije i trezor sačini Informaciju o utrošku ovih sredstava u tekućoj godini i istu dostavi Komisiji uz Izveštaj o izvršenju budžeta Općine Vareš za period januar-juni 2021. godine.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Malik Rizvanović (*uz dato pojašnjenje iznio stav ispred Kluba SDA da će Klub prilikom izjašnjavanja biti „protiv“*).

Zaključena je rasprava i predsjedavajuća OV stavila je na izjašnjavanje Izveštaj/izvješće o izvršenju budžeta/proračuna Općine Vareš za period januar/siječanj – mart/ožujak 2021. godine.

Nakon izjašnjavanja vijećnika predsjedavajuća OV konstatuje da je **10 glasova „ZA“, 6 glasova „PROTIV“ i 2 „SUZDRŽANA“ glasa usvojen**

*Izveštaj/izvješće o izvršenju budžeta/proračuna Općine Vareš
za period januar/siječanj-mart/ožujak 2021. godine.*

Ad.3.

*(Informacija o ostvarenim prihodima u 2020. godini
po osnovu odluka Općinskog vijeća Vareš.)*

Komisija za privredu, finansije i budžet na 2. sjednici održanoj 26.05.2021. godine jednoglasno je donijela sljedeći Zaključak:

- **Komisija nema primjedbi na Informaciju o ostvarenim prihodima u 2020. godini i upućuje je Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Salih Memić (*sva novčana sredstva za naplatu se realizuju, problem je raspoređivanje tih sredstava*).

Nije više bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

**Informaciju o ostvarenim prihodima u 2020. godini
po osnovu odluka Općinskog vijeća Vareš.**

Ad.4.

(Izveštaj o radu Javnog komunalnog preduzeća d.o.o Vareš za 2020. godinu.)

Predsjedavajuća OV uputila je pozitivne riječi za rad i rukovodstvo JKP d.o.o. Vareš.

Otvorena je rasprava u kojoj su svoja mišljenja i pitanja iznijeli vijećnici: Igor Hinger (*postavio pitanja u vezi odvoza smeća, krupnog otpada, kartonske ambalaže, divljih deponija, čistoće parkova, zelenih površina i sl.*), Amela Brkić (*postavila pitanje u vezi početka sanacije mosta na pijaci i postavljanja česme na pijaci*), Nedžad Mušanović (*postavio pitanje u vezi dužničko-potraživačkog odnosa između Općine Vareš i JKP i zaključka NO u vezi blokade računa*), Maja Berberović (*apeluje da JKP postavi više malih kanti za otpad*), Nikola Šimić (*traži pojašnjenje u vezi komunalne djelatnosti da li građevinski otpad spada u komunalnu djelatnost i sl., koliko radnika JKP može finansirati sa trenutnim prihodima*), Mirnes Ajanović (*postavio pitanje u vezi postavljanja kanti za otpad na Planinici i kontejnera na izletištima*), Nurdin Begović (*mogućnost postavljanja jednog dodatnog kontejnera između objekta E1 i E2 ul. Zvijezda*) i Sahudina Beganović (*postavila pitanje da li je potpisan ugovor za ljetno čišćenje grada između JKP i Općine*).

Direktor JKP d.o.o. Vareš gosp. Zafer Kamenješ u svom obraćanju upoznao je prisutne sa radom i poslovanjem preduzeća i određenim problemima sa kojima se susreću u svom radu. Dao je dodatna pojašnjenja i odgovorio na postavljena pitanja vijećnika u raspravi.

U daljnjoj raspravi učestvovali su vijećnici Maja Berberović (*postavila pitanje u vezi deponije na općini Breza a koja se nalazi na ulazu u Vareš*), Igor Hinger (*pojasnio pitanje u vezi kontejnera za kartonski otpad koji je isključivo iz trgovinskih radnji i mogućnost apliciranja na javni poziv za preuređenje zelene pijace*) i direktor Zafer Kamnejaš koji je dao odgovore, zahvalio se vijećnicima na pozitivnim riječima i izjavio da je preduzeće uvijek spremno za saradnju i davanje informacija po bilo kom osnovu.

Zaključena je rasprava i predsjedavajuća OV stavila je na izjašnjavanje Izveštaj o radu Javnog komunalnog preduzeće d.o.o. Vareš za 2020. godinu.

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“)** (odsutan vijećnik Asmir Čizmo) **prihvaćen**

***Izveštaj o radu Javnog komunalnog
preduzeća d.o.o. Vareš za 2020. godinu.***

Ad.5.

*(Izveštaj o radu i finansijskom poslovanju
JP „Vareš-stan“ d.o.o. Vareš za 2020. godinu.*

Otvorena je rasprava u kojoj su svoja mišljenja, primjedbe, sugestije i pitanja iznijeli vijećnici: Nurdin Begović (*skrenuo pažnju na zaključak NO preduzeća u vezi angažovanja revizorske kuće, postavio pitanje u vezi hitnih popravaka –oronule fasade i sl.*), Nazif Hajrić (*sugerisao da OV definiše zaključak u skladu sa prijedlogom Skupštine preduzeća broj: 115/21 od 12.04.2021. godine*), Dario Dodik (*moгуćnost spajanja poslova Vareš-stan i JKP zbog racionalizacije*), Mirnes Ajanović (*predložio da OV na današnjoj sjednici donese neki zaključak u vezi stanja u preduzeću i eventualnom rješenju istog*) i Mahira Brkić (*predložila zaključak da se zaduži Stručna služba OV da Vijeću dostavi termin za tematsku sjednicu vezano isključivo za rad JP „Vareš-stan“ d.o.o. Vareš, na kojoj će OV donijeti odluke*).

Direktor JP „Vareš-stan“ d.o.o. Vareš gosp. Ivan Miletović u svom obraćanju dao je odgovore na postavljena pitanja u raspravi i Vijeće ukratko upoznao sa stanjem i problemima vezanim za poslovanje preduzeća.

U daljnjoj raspravi su učestvovali Mirnes Ajanović (*sugerisao direktoru da je u Izveštaju trebao inicirati konkretna rješenja i prijedloge*), direktor Ivan Miletović (*prioritet je saniranje dijela krova na zgradi S2 na Selištu, krećenje zgrada je u drugom prioritetu*), Dario Dodik (*traži pojašnjenje u vezi sredstva koja su utrošena za plaće – da li se išlo van zakonskih okvira (15% od naplaćene naknade može se koristiti za isplatu plaća) i trošilo nenamjenski*), Amela Brkić (*da li svaka stambena jedinica ima odvojen račun na kome se nalaze uplaćena sredstva od stanara*), Maja Berberović (*skrenula je pažnju na potrebu izmjene sistematizacije u preduzeću*), Mahira Brkić i Nurdin Begović (replika).

Zaključena je rasprava i predsjedavajuća OV stavila je na izjašnjavanje Izveštaj o radu i poslovanju JP „Vareš-stan“ d.o.o. Vareš za 2020. godinu.

Nakon izjašnjavanja vijećnika predsjedavajuća OV konstatuje da je **sa 4 glasa „ZA“ i 14 glasova „PROTIV“ nije prihvaćen**

*Izveštaj o radu i finansijskom poslovanju
JP „Vareš-stan“ d.o.o. Vareš za 2020. godinu.*

Predsjedavajuća OV predložila je Zaključak: *da se zaduži Služba OV da nađe termin najdalje do 31.07. 2021. godine za održavanje tematske sjednice u vezi problematike JP „Vareš-stan“ d.o.o. Vareš.*

Sekretar OV skrenuo je pažnju da je potrebno odrediti obrađivače materijala za tematsku sjednicu i konsultovati Općinskog načelnika vezano za pripremu materijala i termin održavanja i predložio je da uz zaključak očituje i Kolegij OV vezano za zaduženje materijala i održavanje sjednice.

Predsjedavajuća OV je na osnovu prijedloga stavila na izjašnjavanje sljedeći

Zaključak:

- **Zadužuje se Kolegij OV da se na narednoj sjednici Kolegija, a u vezi problematike JP „Vareš-stan“ d.o.o. Vareš i održavanju tematske sjednice na tu temu očituje i da vidi za pripremu materijala (odrediti nosioce pripreme materijala) i da se konsultuje sa Općinskim načelnikom u vezi održavanja tematske sjednice.**

Nakon izjašnjavanja vijećnika predsjedavajuća OV konstatuje da je sa **11 glasova „ZA“ i 3 glasa „PROTIV“ usvojen predloženi Zaključak.**

Ad.6.

*(Izveštaj o radu i poslovanju JP „Veterinarska stanica“ d.o.o.
Vareš za 2020. godinu.)*

Predlagач nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o radu i poslovanju JP „Veterinarska stanica“ d.o.o. Vareš za 2020. godinu.

Nakon izjašnjavanja vijećnika predsjedavajuća OV konstatuje da je **jednoglasno (sa 15 glasova „ZA“)** (odsutni vijećnici: Nazif Hajrić, Asmir Čizmo i Salih Memić) **glasova prihvaćen**

***Izveštaj o radu i poslovanju
JP „Veterinarska stanica“, d.o.o. Vareš za 2020. godinu.***

Ad.7.

*(Izveštaj o provođenju Strategije razvoja Općine Vareš
za period 2017-2026. godine za 2020. godinu.)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o provođenju Strategije razvoja Općine Vareš za period 2017-2026. godine za 2020. godinu.

Nakon izjašnjavanja vijećnika predsjedavajuća OV konstatuje da je sa **14 glasova „ZA“ i 1 „SUZDRŽANIM“** (odsutni vijećnici: Nazif Hajrić, Asmir Čizmo i Salih Memić) **glasom usvojen**

***Izveštaj o provođenju Strategije razvoja Općine Vareš
za period 2017-2026. godine za 2020. godinu.***

Ad.8.

*(Informacija o stanju u oblasti privrede i nezaposlenim licima koja se vode kod
Biroa za zapošljavanje Vareš po kvalifikacionoj, starosnoj i polnoj strukturi.)*

Otvorena je rasprava u kojoj su učestvovali vijećnici: Igor Hinger, Dario Dodik (smatra da Vijeće treba donijeti zaključak kojim bi se obavezao Općinski načelnik da

prisustvuje na sjednici kada se raspravlja o određenim tačkama) i Zdenko Franjić (uvodenje novih zanimanja u srednje obrazovanje koja su adekvatna potrebama tržišta).

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.

Ad.9.

(Informacija o realizovanim projektima deminiranja kao i preostaloj sumnjivoj površini na području općine Vareš za 2020. godinu.)

Nije bilo rasprave po ovoj tački dnevnog reda i predsjedavajuća OV konstatuje uz **Zaključak da je Vijeće primilo k znanju**

Informaciju o realizovanim projektima deminiranja kao i preostaloj sumnjivoj površini na području općine Vareš za 2020. godinu.

Ad.10.

(Tekuća pitanja.)

Predsjedavajuća OV upoznala je prisutne sa pristiglom poštom:

1. Inicijativa za povećanje minimalne cijene rada broj: 36/21 od 29.04.2021. godine dostavljena od Samostalnog sindikata radnika komunalne privrede u FBiH-Kantonalni odbor Ze-do kantona. **(JKP d.o.o. Vareš je upoznato sa Inicijativom i o istoj se očitovalo podnosiocu Inicijative)**
2. Zahtjev za sanaciju (popravak) mosta od poplave od 03.05.2021. godine dostavljen od MZ Dabravine, Vareš i Obavijest o aktivnostima na sanaciji mosta, broj: 02/4-40-1-285/21 od 26.05.2021. godine dostavljen od Službe za civilnu zaštitu Općine Vareš **(Obavijest je upućena i MZ Dabravine)**
3. Zahtjev za uvrštavanje tačke dnevnog reda 5. sjednice OV od 17.05.2021. godine dostavljen od vijećnika Igora Hinger **(dogovoreno na Kolegiju OV da se isto realizuje na 6. sjednici OV)**
4. Obavijest o poduzetim aktivnostima na osnovu Zaključka OV sa 4. sjednice OV održane 29.04.2021. godine, broj: 02/3-1406/21 od 17.05.2021. godine dostavljen od Službe za prostorno uređenje Općine Vareš. **(Općina Vareš je provela potrebne aktivnosti i predmet je upućen nadležnim kantonalnim institucijama na daljnje postupanje.)**
5. Inicijativa o kategorizaciji lokalnog makadamskog puta na dionici LC Luke-Dragovići, kao nerazvrstane dionice puta od tzv. Branjića (Suvenirnice), do zaseoka Juse u dužini od 860 m u kategoriju LC-e od značaja druge kategorizacije, od 15.05.2021. godine dostavljena od vijećnika Šabana Ibrišimović i Izjašnjavanje po

Inicijativi broj: 02-1096/21 od 28.05.2021. godine dostavljena od Općinskog načelnika. **(vijećnik je dobio Izjašnjavanje, nema primjedbi)**

6. Inicijativa o racionalnom korištenju vremenskog trajanja sjednica OV Vareš od 18.05.2021. godine dostavljena od vijećnika Asmira Čizmo **(Stručna služba OV će se očitovati po Inicijativi.)**
7. Inicijativa za formiranje komisije za utvrđivanje stvarnog broja stanova koji su u vlasništvu Općine Vareš od 20.02.2021.godine dostavljena od vijećnika Nurdina Begović i Izjašnjavanje po istoj Inicijativi broj: 02-1105/21 od 31.05.2021. godine dostavljeno od Općinskog načelnika.

Predsjedavajuća OV je konstatovala da Inicijativu nije prihvatio Općinski načelnik.

Vijećnik Nurdin Begović u svom obraćanju dao je dodatno pojašnjenje za podnesenu Inicijativu i izjavio da ostaje pri svojoj Inicijativi.

Predsjedavajuća OV stavila je na Izjašnjavanje Inicijativu za formiranje komisije za utvrđivanje stvarnog broja stanova koji su u vlasništvu Općine Vareš i nakon izjašnjavanja vijećnika konstatuje da je sa **15 glasova „ZA“ i 3 „SUZDRŽANA“ glasa usvojena Inicijativa. (na sljedećoj sjednici Kolegija OV pokrenuti proceduru imenovanja Komisije i zadaci komisije).**

8. Vijećnica Sahudina Beganović uz dato pojašnjenje predložila i predala pisanu Inicijativu za uređenje gradske jezgre i formiranje posebnog fonda za finansiranje uređenja gradskog područja. **(Inicijativa će se dostaviti Općinskom načelniku na izjašnjavanje)**
9. Dario Dodik podsjetio je na Inicijativu za izgradnju parking prostora koju je predložio na prošloj sjednici OV. Po istoj još nije dobio izjašnjavanje. Moli nadležne Općinske službe da u skladu sa Poslovníkom o radu dostave očitovanje po Inicijativi. Također je podsjetio na Inicijativu zamjenika predsjedavajuće OV Mirnesa Ajanović u vezi smanjenja vijećničkog paušala na koju nije dostavljeno izjašnjavanje.

Predsjedavajuća OV uputila je apel nadležnim službama da dostave izjašnjavanje po navedenim Inicijativama.

10. Vijećnica Amela Brkić izvijestila je Vijeće da istupa iz Kluba SBB Vareš u Općinskom vijeće i da će svoj daljnji rad i angažovanje u OV Vareš, obavljati kao samostalna vijećnica. **(dopis je dostavljen i u pisanoj formi)**

Sastavni dio ovog Zapisnika je audio zapis sjednice.

Sjednica je završena u 17,03 sati.

S E K R E T A R

Leon Pavlović

ZAPISNIČAR

Azra Pijadžer

**PREDSEDVAJUĆA
OPĆINSKOG VIJEĆA**

Mahira Brkić